



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE VERBO DEI|| scripto & non scripto,|| QVATVOR LIBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, 1599

VD16 B 1607

Ad Lectorem [P]ræfatio.

[urn:nbn:de:hbz:466:1-53828](https://nbn-resolving.de/urn/resolver.pl?urn=urn:nbn:de:hbz:466:1-53828)



AD LECTOREM FRÆFATIÖ.

RE omnino, Christiane Lector, me caussæ impulerunt, ut has qualescumque disputationes meas in lucem prodire sinerem. Illa prima me ratio mouit, quod non solum non obesse, sed etiam prodesse censem Ecclesiasticæ caussæ, si plu-
1. Trin.ca. rimi hoc tempore scribant. S. Augustini sententia est & no-
3. Contra ta multis, & digna quæ ab omnibus cognoscatur, opan-
mendaci- dum esse, ubi hereses vigent, ut quicunque aliqua scribendi
um, ca. 6 facultate prediti sunt, iij scribant omnes, et si non modo de
rebus iisdem scripturi sint, sed eadem etiam aliis verbis for-
tasse scripturi. Expedit enim ut heretici intelligent, in ca-
stris Catholicorum non vnum aut alterum esse, sed multos,
qui cum eis aduersa fronte congregati audeant. Illud præterea
ex multorum scriptione commodum accedit, quod breuius
& facilius libri ipsi Catholicæ ad manus omnium deferen-
tur, & cum alij in alios incident, omnes tamen armis iisdem in communi periculo instruuntur. Quam sententiam
hominis prudentissimi atq; doctissimi, & veterum Patrum
exempla, & experimenta quotidiana confirmant. Ariana
heresi quondam grassante, scripserunt accurate & copiose
rum Græci, tum Latini propemodum infiniti; Athanasius,
Basilius, Epiphanius, Didymus, vterque Gregorius, vterque
Cyrillus, Hilarius, Ambrosius, Augustinus, Gregorius Beti-
cus, Idacius Clarus, Phægadius, Fulgentius, & alij. Ita verò
conueniunt inter se, & quasi conspirant, siue testimonia
Scriptura pro Catholicæ fide adducant, siue ad hereticorum
argu-

PRAEFATIO, &c.

argumenta respondeant, ut eadem omnes repetere atque
inculcare, & omnes etiam ab uno aliquo accepisse videan-
tur. Neque id illis vitio veri solet, aut potest. Nam quod
multi scriberent, caussa erat ardor fidei, & zelus religionis,
quod in eorum pectoribus Spiritus sanctus accenderat. quod
eadem scriberent, inde siebat, quod antidotum veneni eius-
dem ex eodem fonte eodem spiritu hauserant, & ex iisdem
præsidis aduersus hostes eosdem, de possessione eadem, eo-
dem auctore ac duce Deo, pugnabant.

Quod si veteres illi tanto ardore tum ipsi scribebant,
tum alios ad scribendum prouocabant, cum una vel altera
haeresi orbis terræ laboraret; & inter haereticos non admo-
dum multi scriberent; & nondum ars Typographica exco-
gitata esset, quæ ex uno volumine librorum examina penè
momento extrudit; quid hoc nostro seculo fieri par esset, quo
& innumerabiles haereses Ecclesiam vndique lacerant; &
rari sunt apud aduersarios, qui non aliquid scribant; quo-
rum libri non iam, ut cancer serpunt, sed velut agmina lo-
custarum volitant; & denique certum est atque explora-
tum, non modò multis hominibus haeretica scripta quotidie
pestem adferre, sed totis aliquando prouinciis perniciem at-
tulisse? Hac igitur caussa fuit, cur has disputationes typis
mandari paterer: alioqui enim ab ea re non mediocriter
abhorrebam. Sed altera me ratio vehementius incitauit.

Ediderunt hac ætate præclara volumina, omnium ordi-
num & nationum scriptores, & communis fidei caussam
aduersus communes hostes conspirantibus animis egregiè
propugnarunt. Et quoniam aliud argumētum expli-
candum suscepit, atque in eo quam accuratissimè pertra-
ctando totis viribus laborauit; exstant hodie de singulis fer-
mè concouersiarum capitibus variorum auctorum pluri-

PRAEFATIO

me eaqꝫ doctissima, (& quod necesse erat) longissimꝫ disputationes. Sed non multi tanta librorum copia, tantoqꝫ ocio abundant, vt ex tam variis & prolixis disputationibus controuersias omnes breui tempore cognoscere, & ea præsidia atque arma facile sibi comparare possint, quibus ad omnes partes fidei pro virili tuendas egent, qui apud Germanos, Gallos, Britannos, Polonos, Bohemos, Pannones, Illyricos, Heluetios, aliasqꝫ nationes hæresi laborantes, pastorum ac doctorum munere fungi debet. Quapropter post insignium virorum doctissimos labores, id etiam desiderari videbatur, vt controuersia omnes in vnum quasi corpus redigerentur, certaqꝫ ratione & via ita proponerentur & explicarentur, vt paruo tempore, facili sumptu, nec magno labore, ex uno armamentario, qui vellent, arma peterent, quibus vtcunqꝫ saltem instructi, sine magno suo periculo aduersus hostes in acie starent. Quod quidem ego non mea sanè sponte, sed Superiorum meorum iussu efficere conatus sum; an perfecerim, aliorum erit iudicium. Ceterum, quia genus ipsum scriptoris utilissimum videbatur, disputationes hasce in lucem dedimus, vt iis vtantur qui volent, donec aliquid plenius & elaboratius ab alio aliquo, qui magis abundet & ocio & ingenio, in eodem genere prodeat.

Tertia restat cauſa, quæ me non incitauit modò, sed planè etiam, vt initio dicebam, impulit & coëgit, vt hosce labores posteritati mandarem. Cum beatæ memoriae GREGORIVS XIII. Pontifex Max. Germanicæ atqꝫ Anglice nationis adiuuanda studio, Germanorum Anglorumqꝫ adolescentium amplissima duo Collegia in vrbe Roma, id est, in ipsa arce religionis, instituisset: ea mihi prouincia demandata est, vt eorum Collegiorum alumnis controuersias fidei, quam diligentissimè & pianissimè fieri poterat, nostro
in

AD LECTOREM.

in Gymnasio explicarem; & quasi nouos Ecclesiae milites, in suis ipsorum prouinciis cum inferorum copiis congressuros, pro mea tenuitate armarem. Ea igitur oblata occasione rem aggressus, eam disputandi rationem iniui, ut controversias fidei omnes complecterer, ac partim eas in sua membra tribuerem, partim cum aliis iungerem & copularem, ut alia aliam sereret, & alia penderet & nasceretur ex alia, & ex omnibus vnum doctrinae corpus integrum & perfectum, suisq; numeris absolutum existeret. Quae nostrae disputationes ab auditoribus primùm in Gymnasio inter docendum exceptæ, deinde à multis iterum atque iterum non sine magno vel labore, vel sumptu descriptæ, atque ad varia loca delatae, tanta contentione ad prælum cœpta sunt postulari, ut etiam aliqui minarentur se typis eas nobis inuitis ac repugnantibus mandaturos. Quare coactus sum, opus adhuc rude & impolitum (neque enim quotidiano docendi munere impeditus, extremam illi manum imponere potui) ipse emittere, ne magno meo cum dolore disputationes in scholis exceptas, laceras videlicet ac mutilas, & mendis vndique refertas, typis excusas cernerem.

Tu velim, optime Lector, si quid erit in his commentariis, quod ad Dei gloriam, & Ecclesiae Catholicae utilitatem tibi vsui esse possit, eo vtare, & vni bonorum auctori Deo, non mihi, gratias agas: si quid verò inter legendum occurserit, quod sàpe fiet, aut nimis breue, aut parum æquabile, aut minus propriè & eleganter dictum; illud memineris, non eo animo hac initio scripta fuisse, vt ederentur, sed vs memoriam meam inter docendum iuuarent; nec quomodo quidq; dicatur, sed quid dicatur, attendas.

AD